

◎東周

平王（名宜臼幽王子）

王室衰微，諸侯背叛。

(甲) 王綱
漸墜

鄭武公莊公同爲卿士，王貳于虢，周鄭交質。

王崩，周將畀虢公政，鄭夏取周之麥，秋取周之禾。

桓王（名林平王孫）

(甲) 鄭抗
王師

王奪鄭伯政，鄭伯不朝。

王以蔡衛陳伐鄭，兵敗，祝聃射王中肩。
鄭使祭仲勞王，且問左右。

◎列國事迹（之一）

莊王（名佗桓王子）

連稱管至父瓜期代戍，至期弗許，二人怨，暗結無知。

連稱妹爲宮人無寵，無知使間襄公。

魯桓公與夫人入齊，襄公私通，魯桓知之。

襄公使彭生拉殺魯桓，殺彭生謝魯。

襄公獵貝邱見大豕，從者皆曰彭生。

襄公射之，豕，人立而啼，驚墜車，失屨。

無知因襄公傷，與連管襲宮，求襄公不得，見屨戶間，遂弑之。

（一）齊襄之亂

◎列國事迹（之二）

鮑叔牙奉公子小白奔莒，管仲召忽奉公子糾奔魯，避難。

齊人殺無知，小白入齊，魯公納糾，戰於乾時（臨淄）。

管仲射小白中鉤，魯敗，小白立。

鮑叔帥師言於魯曰：糾親也，請魯殺之；管召讐也，請受而甘心。

魯殺子糾，召忽死之，管仲請囚。

施伯諫還管仲，不聽。

管仲至齊，桓公郊迎，立爲相，霸齊。

（二）齊桓興霸

◎列國事迹（之三）

僖王（名胡齊莊王子）

（三）齊桓
會盟
之始

宋南宮萬弒閔公，齊桓會宋陳蔡邾等國之兵，平定宋亂。

遂人不至，齊滅之。

曹沫以勇事魯莊公，與齊戰，三敗，莊公獻遂邑請平，盟於柯。

曹沫以匕首劫桓公曰：反魯侵地許之。

曹沫就臣位，桓公悔，欲殺曹沫。

管仲曰：許而倍信，殺之小快，失信於諸侯，不可。

（四）齊桓
樹信

桓公以沫之敗所失之地反魯，諸侯信齊，皆附。

惠王（僖王子）

(五) 齊桓
尊王攘夷

周天子使召伯廖，賜齊桓爲侯伯。

狄人伐邢，管仲言於桓公曰：戎狄豺狼，不可厭也；諸夏親暱，不可棄也。救邢。

◎列國事迹（之四）

(六) 衛國
衰興

懿公好鶴，淫樂奢侈，鶴有乘軒者。狄伐衛，兵畔曰：可令鶴戰。

戰於榮澤，衛師潰，狄殺懿公。

齊人立文公燬。布衣，帛冠。務材，訓農。通商，惠工。敬教，勸學。授方，任能。國重興。

晉荀息以垂棘之璧，屈產之乘，遺虞公，假道伐

(七) 晉國
假途滅虢

虢。

宮之奇諫不聽，虞公與晉會師，滅虢。

晉滅虢後，遂滅虞，執虞公。

(八) 晉國
女禍之變

獻公嬖驪姬，生子奚齊，欲立之，計譖世子申生。姬謂申生夢齊姜，必速祭之。祭後歸胙于公，姬毒而獻之。

公將食，姬曰：食自外至，不可不試。祭地地墳，與犬犬斃，與小臣小臣斃。

申生不辨，自縊。姬又譖二公子重耳夷吾與謀，二子皆奔。

◎列國事迹（之五）

襄王（惠王子）

(九) 齊業
之衰

管仲將死，桓公問相。仲曰：易牙殺子適君，開方背親適君，豎刁自宮適君，俱非人情，不可用。仲卒，桓近用三子。

桓公卒，五子爭立相攻，宮中空莫敢棺。尸在牀六十七日，蟲出於戶。

(十) 宋楚
爭霸

襄公滅鄫，用鄫子祭次睢之社。司馬子魚曰：小事不用大牲，況敢用人。將以求霸，不亦難乎。

後與楚人戰於泓。子魚曰：彼衆我寡，未濟擊之，不聽。既濟未成列，請擊，又不聽。宋師敗績。襄公傷股死，猶曰：不重傷，不擒二毛。世皆笑宋襄之仁。

◎ 列國事迹（之六）

(十) 秦穆
得士

虞亡，晉以百里奚爲媵婚秦，奚逃於楚。穆公聞其賢，以五羖羊皮易之。奚又薦蹇叔，二賢輔政，大治。

亡善馬，岐下野人共食者三百人，吏欲法之。穆公曰：君子不以畜害人，吾聞食善馬肉，不飲酒傷人。更賜酒，赦之。

(十一) 晉倍
秦德

晉獻公卒，荀息立奚齊及卓子，均爲里克弑之。迎重耳辭，迎夷吾。呂甥卻芮計以地賄秦，借強國之威以入。穆公以兵送夷吾返晉，是爲惠公。惠公立，倍秦地，蒸上，殺夙臣。歲饑，乞糴於秦，穆公曰：其君惡，其民何罪，與粟。

秦歲饑，請糴於晉。惠公用虢射計，不與粟，乘饑伐之。岐下食馬者三百人，求從戰。見穆公窘，皆摧鋒爭死，虜晉君以歸。尋放還。

◎列國事迹（之七）

(十三) 重耳
返晉
賞從

惠公卒，國亂。重耳在外十九年返國，是爲文公。文公在曹嘗餒，介子推割股以食之。歸賞從者，不及子推。子推從者作怨歌，懸於宮門。文公引過求子推，不得。

子推隱縣上山中，文公焚山冀其出，子推死之。

文公環縣上田封之。後人於是日禁烟，爲之寒食。

王子帶引狄人入寇，王出奔。告難於諸侯，秦伯將納王。

(十四) 晉文
勤王
興霸

文公從狐偃計，辭秦伯，自行勤王。

晉右師圍溫殺帶，左師迎王於城。王賜晉四邑之田。

◎列國事迹（之八）

（十五）晉楚
更霸

楚子及諸侯圍宋，公孫固如晉告急。

先軫曰：報施救患，取威定霸，於是乎在矣。

狐偃曰：楚始得曹，而新昏於衛，若伐曹衛，

楚必救之，則宋免矣。

作三軍，謀元帥。趙衰曰：郤穀，說禮樂，而

敦詩書。詩書，義之府也；禮樂，德之則也。

德義，利之本也。

文公侵曹，執只公畀宋。伐衛，並分曹衛之田

畀宋。

楚人救曹衛，文公會齊、宋、秦三國之師，大

敗楚師於城濮。

◎列國事迹（之九）

敬王（名匄自襄王、頃王、匡王、定王、簡王、靈王、景王、至是）

平王使費無忌如秦。爲太子建娶婦。婦好，王從無忌言自娶。無忌又讒太子。

平王囚太子傅伍奢，召其二子尚員，尚來就死，員奔吳。太子奔宋。

吳邊邑卑梁，與楚邊邑鍾離，小童爭桑相攻。

楚怒滅卑梁。

太子建母在居巢，開吳，吳兵滅鍾離居巢。楚遷郢。

蔡侯朝楚，令尹子常石加禮而求賂，蔡怨乞吳伐楚。

(十六) 楚平之亂

(十七) 秦庭
哭師

吳楚戰於柏舉，楚敗。伍員入郢，鞭平王之尸。

伍員與申包胥友，奔時與別曰：必覆楚。包胥曰：我必復之。

包胥入秦乞師，使就館。

包胥依庭牆而哭，七日夜不絕，飲食不入口。

秦乃爲出師，敗吳。楚子入郢。

◎列國事迹（之十）

齊景公約魯定公盟于夾谷（今山東淄川），以孔子爲相。孔子曰：有文事者，必有武備，請具左右司馬以從。

景公聽黎彌計。既會，奏四方之樂，以萊夷旗旄創戟，鼓譟而至，欲以劫盟。

(十八) 齊魯
夾谷
之會

孔子請於景公曰：中國之禮，安用夷狄之樂。景公作麾去。齊有司請奏宮中之樂，優倡侏儒戲而前。孔子進曰：匹夫熒惑諸侯者，罪當誅。請有司加法，景公不應。

孔子召魯有司斬之。景公歸，責其臣曰：魯以君子之道輔其君，子以夷狄之道教寡人。

景公從晏嬰計，歸昔侵魯汶陽、龜陰、郕之田。

孔子相魯，三月大治。齊懼，計阻之。

齊人選女樂文馬歸于魯，陳魯南門外。魯君臣微服往觀，怠于政事。

孔子去魯適衛。

(十九) 齊饋
樂間
孔子

◎列國事迹（之十一）

吳王闔閭伐越，敗傷足指而卒。子夫差立，誓復仇。

使人立庭，出入必呼曰：忘越殺而父乎。曰：不敢忘。

(二十) 吳國破越

三年敗越於夫椒（無錫），遂入越。

越王句踐以甲五千保會稽（山名在今紹興），使文種因太宰嚭請成。

吳王夫差將許，伍員苦諫不聽，曰：吳其爲沼乎。嚭讒伍員，賜劍自殺。

元王（名仁敬王子）

句踐反國，卧薪嘗膽，賑貧弔死，與民同勞苦。

二十年，乘吳之隙，攻敗之。

(二) 越國滅吳

吳王夫差棲姑蘇（山名在今蘇州），請成，亦欲如會稽赦罪。
越王句踐將許，范蠡諫止，從之。吳王自殺。
范蠡辭越遊五湖，文種不去，賜劍自殺。

◎列國事迹（之十二）

貞定王（名介元王子）

(二) 六卿亡晉

智伯、趙氏、韓氏、魏氏、范氏、中行氏，六卿專政。
智伯與趙韓魏四卿，滅范氏中行氏分其地。
晉侯告於齊魯，請伐四卿，四卿反攻其君，晉侯奔齊。

威烈王（名午貞定王孫考王子）

(三) 三家分晉

智伯特強求地於三家，韓魏與之，趙襄子不與。智伯帥韓魏之甲以攻襄子。

趙襄子奔晉陽，智伯引水灌之，城不沒者三版，襄子使張孟談說韓魏。

韓魏陰與孟談約，趙襄子夜使人殺隄吏，決水反灌智伯軍，韓魏翼擊之，殺智伯，滅其族。

(四) 豫讓報主

襄子漆智伯之頭爲飲器，智伯臣豫讓欲爲報仇，詐入襄子宮塗廁。襄子入廁，心動獲讓舍之。豫讓吞炭漆身，行乞於市，其妻不識，襄子出，豫讓伏橋下，馬驚，索得之。

襄子責之，讓請擊其衣以報智伯，許之。擊後，伏劍死。

◎列國事迹（之十三）

(二五) 齊伐魏以救趙

孫臏與龐涓同學兵法。涓仕魏爲將軍，以能不及臏，召而別足黥面。使成廢人。適齊使至魏，陰載臏歸齊，以爲師。魏伐趙，齊使田忌與臏救之。臏計攻魏都，魏還救。戰於桂陵，敗績。

顯王（名扁烈王弟）

(二六) 齊伐魏以救韓

魏使龐涓伐韓，韓請救於齊。齊使田忌孫臏救之。臏按兵先敝魏師，繼攻魏都，涓引還救之。臏用減竈之法以驕之，涓喜倍日輕騎竝進。臏度魏軍暮至馬陵道，夾道伏弩。斫樹白書：龐涓死此樹下。

涓至馬陵，舉火讀之。伏兵約以見火發弩，魏師大亂，涓自刎死。

◎列國事迹（之十四）

（二七）合從之術

洛陽蘇秦，以秦強，往說兼併天下，不用。乃去燕趙，說以合從之術，抗秦。

蘇秦繼說韓魏齊楚，約成，共以秦爲從約長，並相六國。

蘇秦欲爲燕敵齊，僞得罪奔齊。教齊王高宮室，廣苑囿。

慎靚王（名定顯王子）

赧王（名延慎靚王子）

(二) 連橫
之術

張儀倡連橫之說，使諸侯事秦。伐魏還其侵地，以示惠。

儀罷秦相，出相魏，魏倍從約和秦。儀歸，復相秦。

秦欲伐齊，患楚從親。使張儀說楚絕齊，許以商於地六百里。楚王拒諫許之，閉關絕齊。

楚使人隨儀至秦受地，儀僞病三月不見。楚王以爲絕齊不甚，使勇士至齊境罵之。齊王怒，合於秦。

張儀與楚使地六里，楚怒。攻秦，敗績。韓魏復襲之，楚割兩城以和。

◎列國事迹（之十五）

（一九）樂毅
伐齊

蘇秦弟代仕燕，與相子之婚，教燕王噲讓國。子之立政亂，國人不服。齊因伐之，醢子之，殺噲，遷其重器。

燕人立太子平爲君，是爲昭王。與民同甘苦，屈己尊賢。得樂毅任以國政。

毅乘齊驕伐之，入臨淄，齊潛王奔莒，爲其相淖齒所弑。毅下齊七十城爲郡縣。

王孫賈立潛王子爲王，保莒。以田單爲將抗燕。燕昭王薨，惠王立。田單行反間，燕以騎劫代毅。

後田單欲固民心，使民食必祭祖。軍中奉神師，事必請之。

（二十）田單
火牛

單激民氣，揚言畏割齊卒鼻，燕如其言。又言畏掘先墳，燕掘而燒之。齊人大憤。單取千牛，身披龍彩，角束刃，尾束油葦。遣使約降，燕軍懈。單夜縱牛燒尾，壯士隨之，鼓噪奔燕軍，燕軍驚亂，大潰，殺騎劫，盡復失城。

◎列國事迹（之十六）

（三）完璧歸趙

趙得和氏璧，秦請以十五連城易之。趙畏秦強，又恐受欺。藺相如請行，獻璧。秦無意償城，乃給取璧。遣從者懷璧，從間道歸。相如以身待命，秦王賢而歸之。

(三) 澠池之會

秦約趙會於澠池，趙王行，藺相如從。
平原君引夾谷之會爲備，使廉頗居守，李牧扈從。

及會秦王請趙王鼓瑟，趙王鼓已。相如請秦王擊缶，秦王不肯。相如曰：五步之內，請以血濺大王。秦王爲之一擊。

趙王歸以相如爲上卿，位在廉頗上，頗怒欲辱之。

(三) 廉藺交歡

相如輒避，其舍人以爲恥，相如曰：不畏秦王，豈畏廉將軍。秦不敢以兵加趙，以吾二人在。兩虎鬥不俱生，吾先國家之急，而後私讐也。廉頗聞之，肉袒負荆謝罪。遂訂刎頸之交。

◎列國事迹（之十七）

(三) 周之滅亡

秦伐韓趙，殺人數十萬，周赧王恐，欲諸侯合從。秦攻之，赧王入秦謝罪，盡獻地。歸而卒，周亡。

(三) 四君拒秦

齊孟嘗君，魏信陵君，趙平原君，楚春申君。四公子各以好客養士相尚，才能多得其用。嘗合而抗秦，故秦多不得志。

(三) 秦滅六國

四公子後，各國之君闖弱，又自相剪伐，從約解體。秦襄王薨，子政立。用遠交近攻之策，先滅韓，次趙，次魏。又用王翦滅楚，王賁滅燕。齊居東海之濱，多受秦間金。不助五國，不設戰備。秦王賁自燕襲齊，滅之。六國亡，其王各虜於秦。